

新校宋板傷寒論

乾

十武9

235




門中武
235
卷 1



天保甲辰冬鐫

新校宋板傷寒論

存誠藥室定本



傷寒論袖珍本久行
于世人喜其便然所
據非古且私意改削
學者憾焉今所刊一

以趙開美翻彫宋板
為原其謬脫者必攷
對諸書補訂其下庶
幾童蒙課誦老手涵

泳俱以此為家善歟
弟子筑藩稻葉元熙
實任其役而愚為之
參閱云天保閱逢執

徐之歲陽月乙未江
戶丹波元堅序



福山源知是書



新校傷寒論凡例

一傷寒論諸本莫善於明趙開美覆刻宋板故櫟蔭先生撰輯義一書實據其本然趙本卷頁頗多人病於挾帶今縮寫入刻一僂學者繙閱宋人舊注亦皆錄存新校則以圈別之

一是刻攷訂異同務從簡約蓋文字訛脫必須校正者就輯義所舉擇其最要者其關係匪重及明清諸家妄意改竄者皆不錄嫌於失煩也

一原本每篇之首必低一格揭出各條方對者每條下附

有數目。並是繇重。不復讀者。今一概刪汰。諸方複出于各篇者。則特存諸主證下。餘從刊削。如白虎加入參湯。舉于太陽下篇。調胃承氣湯舉于陽明。四逆湯舉于少陰之類。是也。方目原本所不載。今併拈出之。庶幾易搜索云。

一校書。古人所難。矧仲景經。世無真本。則校之更難。元熙資鈍識陋。何敢自謂任其職。雖然。既奉命。而丈烏辭。擿昧。學者幸勿以僭越為訾焉。

筑前醫員 稻葉元熙謹識

新校傷寒論目錄

卷第一

辨脈法

平脈法

卷第二

傷寒例

辨瘧溼暍脈證

辨太陽病脈證并治上

桂枝湯

桂枝加葛根湯

桂枝加附子湯

桂枝去芍藥湯

桂枝去芍藥加附子湯

桂枝麻黃各半湯

桂枝二麻黃一湯

桂枝二越婢一湯

桂枝去桂加茯苓白朮湯

甘草乾薑湯

芍藥甘草湯

卷第三

辨太陽病脈證并治中

葛根湯

葛根加半夏湯

葛根黃芩黃連湯

麻黃湯

大青龍湯

小青龍湯

桂枝加厚朴杏子湯

乾薑附子湯

桂枝加芍藥生薑人參新加湯

麻黃杏仁甘草石膏湯

桂枝甘草湯

茯苓桂枝甘草大棗湯

厚朴生薑半夏甘草人參湯

茯苓桂枝白朮甘草湯

芍藥甘草附子湯

茯苓四逆湯

五苓散

茯苓甘草湯

梔子豉湯

梔子甘草豉湯

梔子生薑豉湯

梔子厚朴湯

梔子乾薑湯

小柴胡湯

小建中湯

大柴胡湯

柴胡加芒消湯

桃核承氣湯

柴胡加龍骨牡蠣湯

桂枝去芍藥加蜀漆牡蠣龍骨救逆湯

桂枝加桂湯

桂枝甘草龍骨牡蠣湯

抵當湯

抵當丸

卷第四

辨太陽病脈證并治下

大陷胸丸

大陷胸湯

小陷胸湯

文蛤散

白散

柴胡桂枝湯

柴胡桂枝乾薑湯

半夏瀉心湯

十棗湯

大黃黃連瀉心湯

附子瀉心湯

生薑瀉心湯

甘草瀉心湯

赤石脂禹餘糧湯

旋復代赭湯

桂枝人參湯

瓜蒂散

白虎加人參湯

黃芩湯

黃芩加半夏生薑湯

黃連湯

桂枝附子湯

桂枝附子去桂加白朮湯

甘草附子湯

白虎湯

炙甘草湯

卷第五

辨陽明病脈證并治

調胃承氣湯

大承氣湯

小承氣湯

猪苓湯

蜜煎

茵陳蒿湯

吳茱萸湯

麻子仁丸

麻黃連軹赤小豆湯

辨少陽病脈證并治

卷第六

辨太陰病脈證并治

桂枝加芍藥湯

桂枝加大黃湯

辨少陰病脈證并治

麻黃細辛附子湯

麻黃附子甘草湯

黃連阿膠湯

附子湯

桃花湯

猪膚湯

甘草湯

桔梗湯

苦酒湯

半夏散及湯

白通湯

白通加猪膽汁湯

真武湯

通脈四逆湯

四逆散

四逆湯

辨厥陰病脈證并治

烏梅丸

當歸四逆湯

當歸四逆加吳茱萸生薑湯

麻黃升麻湯

乾薑黃芩黃連人參湯
白頭翁湯

卷第七

辨霍亂病脈證并治

四逆加人參湯

理中丸

通脈四逆加豬膽湯

辨陰陽易差後勞復病脈證并治

燒揮散

枳實梔子湯

牡蠣澤瀉散

竹葉石膏湯

辨不可發汗病脈證并治

辨可發汗病脈證并治

卷第八

辨發汗後病脈證并治

辨不可吐

辨可吐

卷第九

辨不可下病脈證并治

辨可下病脈證并治

卷第十

辨發汗吐下後病脈證并治

新校傷寒論目錄

見者所能及。自仲景于今八百餘年。惟王叔和能學之。其間如葛洪、陶景、胡洽、徐之才、孫思邈輩。非不才也。但各自名家。而不能脩明之。開寶中。節度使高繼沖曾編錄進上。其文理舛錯。未嘗考正。歷代雖藏之書府。亦闕於讎校。是使治病之流。舉天下無或知者。國家詔儒臣校正醫書。臣竒續被其選。以爲百病之急。無急於傷寒。今先校定張仲景傷寒論十卷。總二十二篇。證外合三百九十七法。除重複。定有一百一十二方。今請頒行。太子右贊善大夫臣高保衡、尚書屯田員外郎臣孫竒、尚書司封郎中秘閣校理

臣林億等謹上。

滅變爲異物。幽潛重泉。徒爲啼泣。痛夫。舉世昏迷。莫能覺悟。不惜其命。若是輕生。彼何榮勢之云哉。而進不能愛人。知人。退不能愛身。知己。遇災值禍。身居厄地。蒙蒙昧昧。若遊魂。哀乎。趨世之士。馳競浮華。不固根本。忘軀徇物。危若冰谷。至於是也。余宗族素多。向餘二百。建安紀年以來。猶未十稔。其死亡者。三分有二。傷寒十居其七。感往昔之淪喪。傷橫夭之莫救。乃勤求古訓。博采衆方。撰用素問。九卷。八十一難。陰陽大論。胎臚藥錄。并平脈辨證。爲傷寒雜病論。合十六卷。雖未能盡愈諸病。庶可以見病知源。若能

尋余所集。思過半矣。夫天布五行。以運萬類。人稟五常。以有五藏。經絡府俞。陰陽會通。玄冥幽微。變化難極。自非才高識妙。豈能探其理致哉。上古有神農黃帝岐伯伯公雷公。少俞少師仲文。中世有長桑扁鵲。漢有公乘陽慶及倉公。下此以往。未之聞也。觀今之醫。不念思求經旨。以演其所知。各承家技。終始順舊。省疾問病。務在口給。相對斯須。優處湯藥。按寸不及尺。握手不及足。人迎跌陽三部不參。動數發息。不滿五十。短期未知決診。九候曾無髣髴。明堂闕庭。盡不見察。所謂窺管而已。夫欲視死別生。實爲難矣。

遲不能食身體重。大便秘反鞭。音鞭下同。名曰陰結也。期十四日當劇。

問曰：病有洒淅惡寒而復發熱者，何？答曰：陰脈不足，陽往從之，陽脈不足，陰往乘之，曰何謂陽不足？答曰：假令寸口脈微，名曰陽不足，陰氣上入陽中，則洒淅惡寒也。曰何謂陰不足？答曰：尺脈弱，名曰陰不足，陽氣下陷入陰中，則發熱也。陽脈浮，一作微。陰脈弱者，則血虛，血虛則筋急也。其脈沈者，榮氣微也。其脈浮而汗出如流珠者，衛氣衰也。榮氣微者，加燒針，則血留不行，更發熱而躁煩也。

脈藹藹如車蓋者，名曰陽結也。一云秋脈。

脈累累如循長竿者，名曰陰結也。一云夏脈。

脈瞥瞥如羹上肥者，陽氣微也。

脈縈縈如蜘蛛絲者，陽氣衰也。一云陰氣。

脈綿綿如瀉漆之絕者，亡其血也。

脈來緩時一止復來者，名曰結。脈來數時一止復來者，名

曰促。一作縱。脈陽盛則促，陰盛則結，此皆病脈。

陰陽相搏，名曰動。陽動則汗出，陰動則發熱，形冷惡寒者，此三焦傷也。若數脈見於關上，上下無頭尾，如豆大，厥厥

動搖者名曰動也。

陽脈浮大而濡陰脈浮大而濡陰脈與陽脈同等者名曰緩也。

脈浮而緊者名曰弦也弦者狀如弓弦按之不移也脈緊者如轉索無常也。

脈弦而大弦則為減大則為芤減則為寒芤則為虛寒虛相搏此名為革婦人則半產漏下男子則亡血失精。

問曰病有戰而汗出因得解者何也答曰脈浮而緊按之反芤此為本虛故當戰而汗出也其人本虛是以發戰以

脈浮故當汗出而解也若脈浮而數按之不芤此人本不虛若欲自解但汗出耳不發戰也。

問曰病有不戰而汗出解者何也答曰脈大而浮數故知不戰汗出而解也。

問曰病有不戰不汗出而解者何也答曰其脈自微此以曾發汗若吐若下若亡血以內無津液此陰陽自和必自愈故不戰不汗出而解也。

問曰傷寒三日脈浮數而微病人身涼和者何也答曰此為欲解也解以夜半脈浮而解者濺然汗出也脈數而解

者必能食也。脈微而解者，必大汗出也。

問曰：脈病欲知愈未愈者，何以別之？答曰：寸口關上尺中三處大小浮沈遲數同等，雖有寒熱不解者，此脈陰陽為和平，雖劇當愈。

師曰：立夏得洪一作浮大脈，是其本位。其人病身體苦疼重

者，須發其汗。若明日身不疼不重者，不須發汗。若汗濺濺自出者，明日便解矣。何以言之？立夏脈洪大，是其時脈，故使然也。四時倣此。

問曰：凡病欲知何時得，何時愈？答曰：假令夜半得病者，明

日日中愈，日中得病者，夜半愈。何以言之？日中得病，夜半愈者，以陽得陰則解也。夜半得病，明日日中愈者，以陰得陽則解也。

寸口脈浮為在表，沈為在裏。數為在府，遲為在藏。假令脈遲，此為在藏也。

趺陽脈浮而濇，少陰脈如經者，其病在脾。法當下利，何以知之？若脈浮大者，氣實血虛也。今趺陽脈浮而濇，故知脾氣不足，胃氣虛也。以少陰脈弦而浮，一作沈纔見，此為調脈。故稱如經也。若反滑而數者，故知當屎膿也。玉函作滑

寸口脈浮而緊。浮則爲風。緊則爲寒。風則傷衛。寒則傷榮。榮衛俱病。骨節煩疼。當發其汗也。

趺陽脈遲而緩。胃氣如經也。趺陽脈浮而數。浮則傷胃。數則動脾。此非本病。醫特下之所爲也。榮衛內陷。其數先微。脈反但浮。其人必大便秘。氣噫而除。何以言之。本以數脈動脾。其氣先微。故知脾氣不治。大便秘。氣噫而除。今脈反浮。其數改微。邪氣獨留。心中則飢。邪熱不殺穀。潮熱發渴。數脈當遲緩。脈因前後度數如法。病者則飢。數脈不時則生惡瘡也。

師曰。病人脈微而濇者。此爲醫所病也。大發其汗。又數大下之。其人亡血。病當惡寒。後乃發熱。無休止。時夏月盛熱。欲著複衣。冬月盛寒。欲裸其身。所以然者。陽微則惡寒。陰弱則發熱。此醫發其汗。使陽氣微。又大下之。令陰氣弱。五月之時。陽氣在表。胃中虛冷。以陽氣內微。不能勝冷。故欲著複衣。十一月之時。陽氣在裏。胃中煩熱。以陰氣內弱。不能勝熱。故欲裸其身。又陰脈遲濇。故知亡血也。

脈浮而大。心下反鞕。有熱屬藏者。攻之。不令發汗。屬府者。不令溲數。溲數則大便鞕。汗多則熱愈。汗少則便難。脈遲。

尚未可攻。

脈浮而洪身汗如油喘而不休水漿不下形體不仁乍靜乍亂此為命絕也又未知何藏先受其災若汗出髮潤喘不休者此為肺先絕也陽反獨留形體如煙熏直視搖頭者此為心絕也脣吻反青四肢繫習者此為肝絕也環口鰓黑柔汗發黃者此為脾絕也溲便遺失狂言目反直視者此為腎絕也又未知何藏陰陽前絕若陽氣前絕陰氣後竭者其人死身色必青陰氣前絕陽氣後竭者其人死身色必赤腋下溫心下熱也。

寸口脈浮大而醫反下之此為大逆浮則無血大則為寒寒氣相搏則為腸鳴醫乃不知而反飲冷水今汗大出水得寒氣冷必相搏其人即餒。音噎下同跌陽脈浮浮則為虛浮虛相搏故令氣餒言胃氣虛竭也脈滑則為噦此為醫咎責虛取實守空迫血脈浮鼻中燥者必衄也。諸脈浮數當發熱而洒淅惡寒若有痛處飲食如常者畜積有膿也。

脈浮而遲面熱赤而戰惕者六七日當汗出而解反發熱者差遲遲為無陽不能作汗其身必痒也寸口脈陰陽俱

緊者法當清邪中於上焦濁邪中於下焦清邪中上名曰
 潔也濁邪中下名曰渾也陰中於邪必內慄也表氣微虛
 裏氣不守故使邪中於陰也陽中於邪必發熱頭痛項強
 頸攣腰痛脛酸所為陽中霧露之氣故曰清邪中上濁邪
 中下陰氣為慄足膝逆冷便溺妄出表氣微虛裏氣微急
 三焦相溷內外不通上焦佛音佛下同鬱藏氣相熏口爛食斷
 也中焦不治胃氣上衝脾氣不轉胃中為濁榮衛不通血
 凝不流若衛氣前通者小便赤黃與熱相搏因熱作使遊
 於經絡出入藏府熱氣所過則為癰膿若陰氣前通者陽

氣厥微陰無所使客氣內入嚏而出之聲嗚骨咽塞寒
 厥相追為熱所擁血凝自下狀如豚肝陰陽俱厥脾氣孤
 弱五液注下下焦不盍一作闕清便下重今便數難齊築湫
 痛命將難全

脈陰陽俱緊者口中氣出脣口乾燥蹇卧足冷鼻中涕出
 舌上胎滑勿妄治也到七日以來其人微發熱手足溫者
 此為欲解或到八日以上反大發熱者此為難治設使惡
 寒者必欲嘔也腹內痛者必欲利也

脈陰陽俱緊至於吐利其脈獨不解緊去入安此為欲解

若脈遲至六七日不飲食此為晚發水停故也為未解食自可者為欲解病六七日手足三部脈皆至大煩而口噤不能言其人躁擾者必欲解也若脈和其人煩目重臉內際黃者此欲解也

脈浮而數浮為風數為虛風為熱虛為寒風虛相搏則洒淅惡寒也

脈浮而滑浮為陽滑為實陽實相搏其脈數疾衛氣失度浮滑之脈數疾發熱汗出者此為不治

傷寒欬逆上氣其脈散者死謂其形損故也

平脈法第二

問曰脈有三部陰陽相乘榮衛血氣在人體躬呼吸出入上下於中因息遊布津液流通隨時動作效象形容春弦秋浮冬沈夏洪察色觀脈大小不同一時之間變無經常尺寸參差或短或長上下乖錯或存或亡病輒改易進退低昂心迷意惑動失紀綱願為具陳令得分明師曰子之所問道之根源脈有三部尺寸及關榮衛流行不失衡銓腎沈心洪肺浮肝弦此自經常不失銖分出入升降漏刻周旋水下百刻一周循環當復寸口虛實見焉變化相乘

陰陽相干。風則浮虛。寒則牢堅。沈潛水滄。支飲急弦。動則為痛。數則熱煩。設有不應。知變所緣。三部不同。病各異端。大過可怪。不及亦然。邪不空見。終○成本終作中必有奸。審察表裏。三焦別焉。知其所舍。消息診看。料度府藏。獨見若神。為子條記。傳與賢人。

師曰。呼吸者。脈之頭也。初持脈來疾去遲。此出疾入遲。名曰內虛外實也。初持脈來遲去疾。此出遲入疾。名曰內實外虛也。

問曰。上工望而知之。中工問而知之。下工脈而知之。願聞

其說。師曰。病家人請云。病人苦發熱。身體疼。病人自臥。師到診。其脈沈而遲者。知其差也。何以知之。若表有病者。脈當浮大。今脈反沈遲。故知愈也。假令病人云。腹內卒痛。病人自坐。師到脈之。浮而大者。知其差也。何以知之。若裏有病者。脈當沈而細。今脈浮大。故知愈也。

師曰。病家人來請云。病人發熱煩極。明日師到。病人向壁臥。此熱已去也。設令脈不和。處言已愈。設令向壁臥。聞師到。不驚起而盼視。若三言三止。脈之。嚙唾者。此詐病也。設令脈自和。處言此病大重。當須服吐下藥。針灸數十百處。

乃愈。

師持脈病人欠者無病也。脈之呻者病也。言遲者風也。搖頭言者裏痛也。行遲者表強也。坐而伏者短氣也。坐而下一脚者腰痛也。裏實護腹如懷卵物者心痛也。

師曰伏氣之病以意候之。今月之內欲有伏氣假令舊有伏氣當須脈之。若脈微弱者當喉中痛似傷非喉痺也。病人云實咽中痛雖爾今復欲下利。問曰人恐怖者其脈何狀。師曰脈形如循絲累累然其面白脫色也。

問曰人不飲其脈何類。師曰脈自濇唇口乾燥也。問曰人

愧者其脈何類。師曰脈浮而面色乍白乍赤。

問曰經說脈有三菽六菽重者何謂也。師曰脈人以指按之如三菽之重者肺氣也。如六菽之重者心氣也。如九菽之重者脾氣也。如十二菽之重者肝氣也。按之至骨者腎氣也。菽者小豆也。假令下利寸口關上尺中悉不見脈然尺中時一小見脈再舉頭按云者腎氣也。若見損脈來至為難

治。腎謂所勝脾脾勝不應時。問曰脈有相乘有縱有橫有逆有順何謂也。師曰水行乘火金行乘木名曰縱。火行乘水木行乘金名曰橫。水行乘金火行乘木名曰逆。金行乘水木行乘火

名曰順也。

問曰脈有殘賊何謂也師曰脈有弦緊浮滑沈澹此六脈名曰殘賊能為諸脈作病也。

問曰脈有災怪何謂也師曰假令人病脈得太陽與形證相應因為作湯比還送湯如食頃病人乃大吐若下利腹中痛師曰我前來不見此證今乃變異是名災怪又問曰何緣作此吐利答曰或有舊時服藥今乃發作故為災怪耳。

問曰東方肝脈其形何似師曰肝者木也名厥陰其脈微

弦濡弱而長是肝脈也肝病自得濡弱者愈也假令得純弦脈者死何以知之以其脈如弦直此是肝藏傷故知死也。

南方心脈其形何似師曰心者火也名少陰其脈洪大而長是心脈也心病自得洪大者愈也假令脈來微去大故名反病在裏也脈來頭小本大故名覆病在表也上微頭小者則汗出下微本大者則為關格不通不得尿頭無汗者可治有汗者死西方肺脈其形何似師曰肺者金也名太陰其脈毛浮也肺病自得此脈若得緩遲者皆愈若得

數者則劇何以知之數者南方火火剋西方金法當癰腫為難治也

問曰二月得毛浮脈何以處言至秋當死師曰二月之時脈當濡弱反得毛浮者故知至秋死二月肝用事肝屬木脈應濡弱反得毛浮脈者是肺脈也肺屬金金來剋木故知至秋死他皆倣此

師曰脈肥人責浮瘦人責沈今反浮瘦人當浮今反沈故責之

師曰寸脈下不至關為陽絕尺脈上不至關為陰絕此皆

不治決死也若計其餘命生死之期期以月節剋之也

師曰脈病人不病名曰行尸以無王氣卒眩仆不識人者知命則死人病脈不病名曰內虛以無穀神雖困無苦

問曰翕奄沈名曰滑何謂也師曰沈為純陰翕為正陽陰陽和合故令脈滑關尺自平陽明脈微沈食飲自可少陰脈微滑滑者緊之浮名也此為陰實其人必股內汗出陰下濕也

問曰曾為人所難緊脈從何而來師曰假令亡汗若吐以肺裏寒故令脈緊也假令欬者坐飲冷水故令脈緊也假

今下利以胃虛冷故令脈緊也寸口衛氣盛名曰高高者暴狂

而榮氣盛名曰章章者暴澤而光高章相搏名曰綱綱者身筋急脈強直故也

衛氣弱名曰慄慄者心中氣動迫怯榮氣弱名曰卑卑者心中常自羞愧慄卑

相搏名曰損損者五藏六府俱氣虛故也衛氣和名曰緩緩者四肢不能自收

榮氣和名曰遲遲者身體俱重但欲眠也緩遲相搏名曰沈沈者腰中直腹內急

痛但欲臥不欲行

寸口脈緩而遲緩則陽氣長其色鮮其顏光其聲商毛髮

長遲則陰氣盛骨髓生血滿肌肉緊薄鮮靨陰陽相抱榮

衛俱行剛柔相得名曰強也

跌陽脈滑而緊滑者胃氣實緊者脾氣強持實擊強痛還自傷以手把双坐作瘡也

寸口脈浮而大浮為虛大為實在尺為關在寸為格關則不得小僂格則吐逆

跌陽脈伏而濇伏則吐逆水穀不化濇則食不得入名曰關格

脈浮而大浮為風虛大為氣強風氣相搏必成隱疹身體為痒痒者名泄風久久為痲癩眉少髮稀身有乾瘡而腥臭也

寸口脈弱而遲弱者衛氣微遲者榮中寒榮為血血寒則

發熱衛為氣氣微者心內飢飢而虛滿不能食也。

跌陽脈大而緊者當即下利為難治。

寸口脈弱而緩弱者陽氣不足緩者胃氣有餘噫而吞酸。

食卒不下氣填於膈上也。

下作

跌陽脈緊而浮浮為氣緊為寒浮為腹滿緊為絞痛浮緊

相搏腸鳴而轉轉即氣動膈氣乃下少陰脈不出其陰腫

大而虛也。

寸口脈微而濇微者衛氣不行濇者榮氣不逮榮衛不能

相將三焦無所仰身體痺不仁榮氣不足則煩疼口難言。

衛氣虛者則惡寒數欠三焦不歸其部上焦不歸者噫而

酢吞中焦不歸者不能消穀引食下焦不歸者則遺洩。

跌陽脈沈而數沈為實數消穀緊者病難治。

寸口脈微而濇微者衛氣衰濇者榮氣不足衛氣衰面色

黃榮氣不足面色青榮為根衛為葉榮衛俱微則根葉枯

槁而寒慄欬逆唾腥吐涎沫也。

跌陽脈浮而芤浮者衛氣虛芤者榮氣傷其身體瘦肌肉

甲錯浮芤相搏宗氣微衰四屬斷絕。

四屬者謂皮肉脂髓俱竭宗氣則衰矣。

寸口脈微而緩微者衛氣踈踈則其膚空緩者胃氣實實

則穀消而水化也。穀入於胃，脈道乃行，水入於經，其血乃成。榮盛則其膚必踈，三焦絕經，名曰血崩。

跌陽脈微而緊，緊則為寒，微則為虛，微緊相搏，則為短氣。少陰脈弱而濇，弱者微煩，濇者厥逆。

跌陽脈不出，脾不上下，身冷膚輒。

少陰脈不至，腎氣微，少精血，奔氣促迫，上入胃膈，宗氣反聚，血結心下，陽氣退下，熱歸陰股，與陰相動，令身不仁。此

為尸厥。當刺期門巨闕。宗氣者，三焦歸氣也。有名無形，氣之神使也。下榮玉莖，故宗筋聚縮

也。

寸口脈微，尺脈緊，其人虛損多汗，知陰常在，絕不見陽也。

寸口諸微亡陽，諸濡亡血，諸弱發熱，諸緊為寒，諸乘寒者，

則為厥。鬱冒不仁，以胃無穀氣，脾濇不通，口急不能言，戰

而慄也。

問曰：濡弱何以反適十一頭？師曰：五藏六府相乘，故令十

一。

問曰：何以知乘府？何以知乘藏？師曰：諸陽浮數為乘府，諸

陰遲濇為乘藏也。

立秋七月節指坤。處暑七月中指申。

白露八月節指庚。秋分八月中指酉。

寒露九月節指辛。霜降九月中指戌。

立冬十月節指乾。小雪十月中指亥。

大雪十一月節指壬。冬至十一月中指子。

小寒十二月節指癸。大寒十二月中指丑。

二十四氣節有十二。中氣有十二。五日為一候。氣亦同。合有七十二候。決病生死。此須洞解之也。

陰陽大論云。春氣溫和。夏氣暑熱。秋氣清涼。冬氣冰冽。此則四時正氣之序也。冬時嚴寒。萬類深藏。君子固密。則不

傷於寒。觸冒之者。乃名傷寒耳。其傷於四時之氣。皆能為病。以傷寒為毒者。以其最成殺厲之氣也。中而即病者。名曰傷寒。不即病者。寒毒藏於肌膚。至春變為溫病。至夏變為暑病。暑病者。熱極重於溫也。是以辛苦之人。春夏多溫熱病者。皆由冬時觸寒所致。非時行之氣也。凡時行者。春時應暖。而反大寒。夏時應熱。而反大涼。秋時應涼。而反大熱。冬時應寒。而反大溫。此非其時。而有其氣。是以一歲之中。長幼之病。多相似者。此則時行之氣也。夫欲候知四時正氣為病。及時行疫氣之法。皆當按斗曆占之。九月霜降

節後宜漸寒。向冬大寒。至正月雨水節後宜解也。所以謂之雨水者。以冰雪解而為雨水故也。至驚蟄二月節後。氣漸和暖。向夏大熱。至秋倭涼。從霜降以後。至春分以前。凡有觸冒霜露。體中寒。即病者。謂之傷寒也。九月十月。寒氣尚微。為病則輕。十一月十二月。寒冽已嚴。為病則重。正月二月。寒漸將解。為病亦輕。此以冬時不調。適有傷寒之人。即為病也。其冬有非節之暖者。名為冬溫。冬溫之毒。與傷寒大異。冬溫復有先後。夏相重沓。亦有輕重。為治不同。證如後章。從立春節後。其中無暴大寒。又不冰雪。而有人壯

熱為病者。此屬春時陽氣發於冬時伏寒。變為溫病。從春分以後。至秋分節前。天有暴寒者。皆為時行寒疫也。三月四月。或有暴寒。其時陽氣尚弱。為寒所折。病熱猶輕。五月六月。陽氣已盛。為寒所折。病熱則重。七月八月。陽氣已衰。為寒所折。病熱亦微。其病與溫及暑病相似。但治有殊耳。十五日得一氣。於四時之中。一時有六氣。四六名為二十四氣。然氣候亦有應至仍不至。或有未應至而至者。或有不應至而太過者。皆成病氣也。但天地動靜。陰陽鼓擊者。各正一氣耳。是以彼春之暖。為夏之暑。彼秋之忿。為冬之怒。是

故冬至之後一陽爻升一陰爻降也夏至之後一陽氣下
一陰氣上也斯則冬夏二至陰陽合也春秋二分陰陽離
也陰陽交易人變病焉此君子春夏養陽秋冬養陰順天
地之剛柔也小人觸冒必嬰暴疹須知毒烈之氣留在何
經而發何病詳而取之是以春傷於風夏必殄泄夏傷於
暑秋必病瘧秋傷於溼冬必咳嗽冬傷於寒春必病溫此
必然之道可不審明之傷寒之病逐日淺深以施方治今
世人傷寒或始不早治或治不對病或日數久淹困乃告
醫醫人又不依次第而治之則不中病皆宜臨時消息制

方無不效也今搜採仲景舊論錄其證候診脈聲色對病
真方有神驗者擬防世急也

又土地溫涼高下不同物性剛柔處居亦異是故黃帝興
四方之問岐伯舉四治之能以訓後賢開其未悟者臨病
之工宜須兩審也

凡傷於寒則爲病熱熱雖甚不死若兩感於寒而病者必
死

尺寸俱浮者太陽受病也當一二日發以其脈上連風府
故頭項痛腰脊強

尺寸俱長者陽明受病也當二三日發以其脈夾鼻絡於目故身熱目疼鼻乾不得臥

尺寸俱弦者少陽受病也當三四日發以其脈循脅絡於耳故胃脅痛而耳聾此三經皆受病未入於府者可汗而已

尺寸俱沈細者太陰受病也當四五日發以其脈布胃中絡於嗑故腹滿而嗑乾

尺寸俱沈者少陰受病也當五六日發以其脈貫腎絡於肺繫舌本故口燥舌乾而渴

尺寸俱微緩者厥陰受病也當六七日發以其脈循陰器絡於肝故煩滿而囊縮此三經皆受病已入於府可下而已

若兩感於寒者一日太陽受之即與少陰俱病則頭痛口乾煩滿而渴二日陽明受之即與太陰俱病則腹滿身熱不欲食識之廉切又女語三日少陽受之即與厥陰俱病

則耳聾囊縮而厥水漿不入不知人者六日死若三陰三陽五藏六府皆受病則榮衛不行藏府不通則死矣其不兩感於寒更不傳經不加異氣者至七日太陽病衰頭痛

傷寒論卷之二
少愈也。八日陽明病衰，身熱少歇也。九日少陽病衰，耳聾微聞也。十日太陰病衰，腹減如故，則思飲食。十一日少陰病衰，渴止，舌乾已而嚏也。十二日厥陰病衰，囊縱，少腹微下，大氣皆去，病人精神爽慧也。若過十三日以上不聞寸尺陷者，大危。若更感異氣，變為他病者，當依後壞病證而治之。若脈陰陽俱盛，重感於寒者，變成溫瘧。陽脈浮滑，陰脈濡弱者，更遇於風，變為風溫。陽脈洪數，陰脈實大者，更遇溫熱，變為溫毒。溫毒為病最重也。陽脈濡弱，陰脈弦緊者，更遇溫氣，變為溫疫。一本作瘧以此冬傷於寒，發為溫病，脈

之變證方治如說。

凡人有疾，不時即治，隱忍冀差，以成痼疾。小兒女子，益以滋甚。時氣不和，便當早言，尋其邪由，及在腠理，以時治之。罕有不愈者。患人忍之，數日乃說，邪氣入藏，則難可制。此為家有患，備慮之要。凡作湯藥，不可避晨夜，覺病須臾，即宜便治，不等早晚，則易愈矣。如或差遲，病即傳變，雖欲除治，必難為力。服藥不如方法，縱意違師，不須治之。

凡傷寒之病，多從風寒得之。始表中風寒，入裏則不消矣。未有溫覆而當不散者，不在證治，擬欲攻之，猶當先解

傷寒論卷之二
表乃可下之。若表已解而內不消，非大滿猶生寒熱，則病不除。若表已解而內不消，大滿大實，堅有燥屎，自可除之。雖四五日，不能爲禍也。若不宜下而僂攻之，內虛熱入，協熱遂利，煩躁諸變，不可勝數。輕者困篤，重者必死矣。夫陽盛陰虛，汗之則死；下之則愈。陽虛陰盛，汗之則愈，下之則死。夫如是，則神丹安可以誤發？甘遂何可以妄攻？虛盛之治，相背千里。吉凶之機，應若影響，豈容易哉！沉桂枝下咽，陽盛卽斃，承氣入胃，陰盛以亡。死生之要，在乎須臾。視身之盡，不暇計日。此陰陽虛實之交錯，其候至微，發汗

吐下之相反，其禍至速。而醫術淺狹，懵然不知病源，爲治乃誤。使病者殞沒，自謂其分。至今冤魂塞於冥路，死屍盈於曠野，仁者鑒此，豈不痛歟。

凡兩感病俱作，治有先後，發表攻裏，本自不同，而執迷用意者，乃云神丹甘遂合而飲之。且解其表，又除其裏，言巧似是，其理實違。夫智者之舉，鎔也；常審以慎，愚者之動作也。必果而速，安危之變，豈可詭哉！世上之士，但務彼翕習之榮，而莫見此傾危之敗，惟明者居然能護其本，近取諸身，夫何遠之有焉。

傷寒論卷之二
凡發汗溫煖湯藥其方雖言日三服若病劇不解當促其
間可半日中盡三服若與病相阻卽優有所覺病重者一
日一夜當晬時觀之如服一劑病證猶在故當復作本湯
服之至有不肯汗出服三劑乃解若汗不出者死病也
凡得時氣病至五六日而渴欲飲水飲不能多不當與也
何者以腹中熱尚少不能消之優優與人作病也至七八
日大渴欲飲水者猶當依證而與之與之常令不足勿極
意也言能飲一斗與五升若飲而腹滿小優不利若喘若
噦不可與之也忽然大汗出是爲自愈也

凡得病及能飲水此爲欲愈之病其不曉病者但聞病飲
水自愈小渴者乃強與飲之因成其禍不可復數也凡得
病厥脈動數服湯藥更遲脈浮大減小初躁後靜此皆愈
證也

凡治溫病可刺五十九穴又身之穴三百六十有五其三
十穴灸之有害七十九穴刺之爲災并中髓也

脈四損三日死平人四息病人脈一至名曰四損

脈五損一日死平人五息病人脈一至名曰五損

脈六損一時死平人六息病人脈一至名曰六損

脈盛身寒得之傷寒脈虛身熱得之傷暑脈陰陽俱盛大汗出不解者死脈陰陽俱虛熱不止者死脈至乍數乍疎者死脈至如轉索其日死讖言妄語身微熱脈浮大手足溫者生逆冷脈沈細者不過一日死矣此以前是傷寒熱病證候也

辨瘧溼喝脈證第四

瘧音熾又作瘧巨郢切下同

傷寒所致太陽病瘧溼喝此三種宜應別論以為與傷寒相似故此見之

太陽病發熱無汗反惡寒者名曰剛瘧

太陽病發熱汗出而不惡寒病源云惡寒名曰柔瘧

太陽病發熱脈沈而細者名曰瘧

太陽病發汗太多因致瘧

病身熱足寒頸項強急惡寒時頭熱面赤目脈赤獨頭面搖卒口噤背反張者瘧病也

太陽病關節疼痛而煩脈沈而細一作緩者此名溼痺一云中溼

溼痺之候其人小僂不利大僂反快但當利其小僂

溼家之為病一身盡疼發熱身色如似熏黃

溼家其人但頭汗出背強欲得被覆向火若下之早則噦

胃滿小便利舌上如胎者以丹田有熱胃中有寒渴欲
得水而不能飲口燥煩也○此二條原與上條相合今依金匱成本析之
溼家下之額上汗出微喘小便利一云不利者死若下利不止
者亦死

問曰風溼相搏一身盡疼痛法當汗出而解值天陰雨不
止醫云此可發汗汗之病不愈者何也答曰發其汗汗大
出者但風氣去溼氣在是故不愈也若治風溼者發其汗
但微微似欲出汗者風溼俱去也

溼家病身上疼痛發熱面黃而喘頭痛鼻塞而煩其脈大

自能飲食腹中和無病病在頭中寒溼故鼻塞內藥鼻中
則愈

病者一身盡疼發熱日晡所劇者此名風溼此病傷於汗
出當風或久傷取冷所致也

太陽中暍者暍是也其人汗出惡寒身熱而渴也太陽中
暍者身熱疼重而脈微弱此以夏月傷冷水水行皮中所
致也

太陽中暍者發熱惡寒身重而疼痛其脈弦細乳遲小便
已洒洒然毛聳手足逆冷小有勞身即熱口開前板齒燥

①太陽之見莫確於頭痛惡寒②惡寒者該凡而言也③中風又稱傷風④三方叙傷風論寒泣血無汗惡寒凡散氣有汗惡風為不同⑤或未定之詞寒為陰、不熱⑥必定之詞言發熱早晚不一而惡寒則必定即見也⑦首齊先生云陰陽指尺寸也

若發汗則惡寒甚加溫針則發熱甚數下之則淋甚

○辨太陽病脈證并治上第五合一十六法

太陽之為病脈浮頭項強痛而惡寒

太陽病發熱汗出惡風脈緩者名為中風

太陽病或已發熱或未發熱必惡寒體痛嘔逆脈陰陽俱

緊者名為傷寒

傷寒一日太陽受之脈若靜者為不傳頗為吐若躁煩脈

數急者為傳也

傷寒二三日陽明少陽證不見者為不傳也

太陽病發熱而渴不惡寒者為溫病若發汗已身灼熱者名風溫風溫為病脈陰陽俱浮自汗出身重多眠睡鼻息必鼾語言難出若被下者小便利直視失溲若被火者微發黃色劇者如驚癇時瘕瘵若火熏之一逆尚引日再逆促命期

病有發熱惡寒者發於陽也無熱惡寒者發於陰也發於陽七日愈發於陰六日愈以陽數七陰數六故也

太陽病頭痛至七日以上自愈者以行其經盡故也若欲作再經者針足陽明使經不傳則愈

太陽病欲解時從巳至未上。

風家表解而不了了者十二日愈。

病人身大熱反欲得衣者熱在皮膚寒在骨髓也。身大寒反不欲近衣者寒在皮膚熱在骨髓也。

太陽中風陽浮而陰弱陽浮者熱自發陰弱者汗自出。嗇嗇惡寒淅淅惡風翕翕發熱鼻鳴乾嘔者桂枝湯主之。方

桂枝三兩 去皮

芍藥三兩

甘草二兩 炙

生薑三兩 切

大棗十二枚 擘

右五味。㕮咀。三味。以水七升。微火煮。取三升。去滓。適寒

溫服一升。服已須臾。歔熱稀粥一升餘。以助藥力。溫覆令一時許。遍身熱熱微似有汗者。益佳。不可令如水流離。病必不除。若一服汗出病差。停後服。不必盡劑。若不汗。更服依前法。又不汗。後服小促其間。半日許。令三服盡。若病重者。一日一夜服。周時觀之。服一劑盡。病證猶在者。更作服。若汗不出。乃服至二三劑。禁生冷粘滑肉麩五辛酒酪臭惡等物。○玉函無禁以下十五字太陽病。頭痛發熱。汗出惡風。○成本有者字桂枝湯主之。太陽病。項背強几几。反汗出惡風者。桂枝加葛根湯主之。

方

葛根 四兩

麻黃 三兩去節○成

芍藥 二兩○可發汗篇作三兩

生薑 三兩

甘草 二兩

大棗 十二枚擘

桂枝 二兩去皮○

右七味以水一斗作九升先煮麻黃葛根減二升去上

沫內諸藥煮取三升去滓溫服一升覆取微似汗不須

啜粥餘如桂枝法將息及禁忌臣億等謹按仲景本論太陽中風自汗用桂枝

傷寒無汗用麻黃今證云汗出惡風而方中有麻黃恐非本意也第三卷有葛根湯證云無汗惡風正與此方

同是合用麻黃也此云桂枝加葛根湯恐是桂枝中但加葛根耳原在葛根湯之中今據醫方類聚而移之

上衝者桂枝所主可以徵也章有桂枝而無上衝証者皆屬別文夫疾醫之道不拘汗下之微與否隨其証以處方已當以彼章隨証治之一句為徵也此云下之微是無用之辨非疾醫之言且戰國以降諸家所好而誤之

凡疾醫之道雖在汗吐下後治疾無異但隨其所言之証以處其方則病無不治之凡說其氣皆之干臆之聖人未嘗論戰國以降迄于唐宋熾哉言之

太陽病下之後其氣上衝者可與桂枝湯方用前法若不

上衝者不得與之氣造化之所主而非醫之所能為也

太陽病三日已發汗若吐若下若溫鍼仍不解者此為壞

病桂枝不中與之也觀其脈證知犯何逆隨證治之

桂枝本為解肌若其人脈浮緊發熱汗不出者不可與之

也常須識此勿令誤也

若酒客病不可與桂枝湯得之則嘔以酒客不喜甘故也

喘家作桂枝湯加厚朴杏子佳

凡服桂枝湯吐者其後必吐膿血也

太陽病發汗遂漏不止其人惡風小便利四肢微急難以屈伸者桂枝加附子湯主之方

桂枝三兩 去皮 芍藥三兩 甘草三兩 炙 生薑三兩 切

大棗十二枚 擘 附子一枚 炮去皮 破八片

右六味以水七升煮取三升去滓溫服一升本云桂枝湯今加附子將息如前法

太陽病下之後脈促胸滿者桂枝去芍藥湯主之方促一作縱

桂枝三兩 去皮 甘草二兩 炙 生薑三兩 切 大棗十二枚 擘

右四味以水七升煮取三升去滓溫服一升本云桂枝

湯今去芍藥將息如前法

若微惡寒者桂枝去芍藥加附子湯主之方

桂枝三兩 去皮 甘草二兩 炙 生薑三兩 切 大棗十二枚 擘

附子一枚 炮去皮 破八片

右五味以水七升煮取三升去滓溫服一升本云桂枝湯今去芍藥加附子將息如前法

太陽病得之八九日如瘧狀發熱惡寒熱多寒少其人不嘔清便欲自可○玉函無欲字不可發汗篇欲作續脈經同一日二三度發脈微緩者為欲愈也脈微而惡寒者此陰陽俱虛不可更發

汗夏下夏吐也。面色反有熱色者，未欲解也。以其不能得小汗出，身必痒。宜桂枝麻黃各半湯方。

桂枝一兩十六銖，去皮。芍藥

生薑切。

甘草炙。

麻黃各一兩，去節。

大棗四枚，擘。

杏仁二十四枚，湯浸去皮尖及兩仁者。

右七味，以水五升，先煮麻黃一二沸，去上沫，內諸藥，煮

取一升八合，去滓，溫服六合。本云：桂枝湯三合，麻黃湯

三合，併為六合，頓服，將息如上法。

臣億等謹按：桂枝湯方，桂枝芍藥生薑各

三兩，甘草二兩，大棗十二枚，麻黃湯方，麻黃三兩，桂枝二兩，甘草一兩，杏仁七十箇，今以算法約之，二湯各取

三分之一，即得桂枝一兩十六銖，芍藥生薑甘草各一兩，大棗四枚，杏仁二十三箇，零三分，枚之一，收之，得二

十四箇，合方詳此方，乃三分之一，非各半也，宜云合半湯。

太陽病，初服桂枝湯，反煩不解者，先刺風池、風府，却與桂枝湯，則愈。

服桂枝湯，大汗出，脈洪大者，與桂枝湯，如前法。若形似瘧，一日再發者，汗出必解，宜桂枝二麻黃一湯方。

桂枝一兩十七銖，去皮。

芍藥一兩六銖。

麻黃十六銖，去節。

生薑一兩六銖，切。

杏仁十六箇，去皮尖。

甘草一兩二銖，炙。

大棗五枚，擘。

右七味，以水五升，先煮麻黃一二沸，去上沫，內諸藥，煮

取二升去滓溫服一升日再服本云桂枝湯二分麻黃
 湯一分合為二升分再服今合為一方將息如前法臣億
 等謹按桂枝湯方桂枝芍藥生薑各三兩甘草二兩大
 棗十二枚麻黃湯方麻黃三兩桂枝二兩甘草一兩杏
 仁七十箇今以算法約之桂枝湯取十二分之二即得
 桂枝芍藥生薑各一兩六銖甘草二十銖大棗五枚麻
 黃湯取九分之二即得麻黃十六銖桂枝十銖三分銖
 之二收之得十一銖甘草五銖三分銖之一收之得六
 銖杏仁十五箇九分枚之四收之得十六箇二湯所取
 相合即共得桂枝一兩十七銖麻黃十六銖生薑芍藥
 各一兩六銖甘草一兩二銖
 大棗五枚杏仁十六箇合方
 服桂枝湯大汗出後大煩渴不解脈洪大者白虎加人參
 湯主之

太陽病發熱惡寒熱多寒少脈微弱者此無陽也不可發
 汗宜桂枝二越婢一湯方

桂枝去皮

芍藥

麻黃

甘草各十八銖炙

大棗四枚擘

生薑一兩二銖切○玉白千金翼二作三

石膏二銖碎綿

裹

右七味以水五升煮麻黃一二沸去上沫內諸藥煮取
 二升去滓溫服一升本云當裁為越婢湯桂枝湯合之
 飲一升今合為一方桂枝湯二分越婢湯一分臣億等謹按桂

枝湯方桂枝芍藥生薑各三兩甘草二兩大棗十二枚
 越婢湯方麻黃二兩生薑三兩甘草二兩石膏半斤大

棗十五枚。今以算法約之。桂枝湯取四分之一。即得桂枝芍藥生薑各十八銖。甘草十二銖。大棗三枚。越婢湯取八分之一。即得麻黃十八銖。生薑九銖。甘草六銖。石膏二十四銖。大棗一枚。八分之七。棄之二。湯所取相合。即共得桂枝芍藥甘草麻黃各十八銖。生薑一兩三銖。石膏二十四銖。大棗四枚。合方。舊云桂枝三。今取四分之一。即當云桂枝二也。越婢湯方見仲景雜方中。外臺秘要一云。起脾湯。

服桂枝湯。或下之。仍頭項強痛。翕翕發熱。無汗。心下滿微痛。小便利者。桂枝去桂加茯苓白朮湯主之。方○去桂二字似

衍脈經無白字。朮古無蒼白之分。本經白朮之白。例宜從刪。

芍藥 三兩

甘草 二兩

生薑 切

白朮

茯苓 各三兩

大棗 十二枚

芍藥 切

白朮

右六味以水八升。煮取三升。去滓。溫服一升。小便利則愈。本云桂枝湯。今去桂枝。加茯苓白朮。

傷寒脈浮。自汗出。小便利。數心煩。微惡寒。脚攣急。反與桂枝

○成本。有湯字。欲攻其表。此誤也。得之。便厥。咽中乾。煩躁吐逆者。作甘草乾薑湯與之。以復其陽。若厥愈。足溫者。更作芍藥

甘草湯與之。其脚即伸。若胃氣不和。譫語者。少與調胃承

氣湯。若重發汗。復加燒鍼者。四逆湯主之。

甘草乾薑湯方

甘草 四兩

乾薑 二兩

傷寒論卷第二
右二味以水三升煮取一升五合去滓分溫再服

芍藥甘草湯方

白芍藥

○玉函無白字

甘草

各四兩炙

右二味以水三升煮取一升五合去滓分溫再服

問曰證象陽旦案法治之而增劇厥逆咽中乾兩脛拘急而讖語師曰○玉函無白字言夜半手足當溫兩脚當伸後如師言何以知此答曰寸口脈浮而大浮為風大為虛風則生微熱虛則兩脛攣病形象桂枝因加附子參其間增桂令汗出附子溫經亡陽故也厥逆咽中乾煩躁陽明內結讖

語煩亂更飲甘草薑湯夜半陽氣還兩足當熱脛尚微拘急重與芍藥甘草湯爾乃脛伸以承氣湯微瀉則止其讖語故知病可愈

傷寒論卷第二

傷寒論卷第二

太陽與陽明合病者必自下利葛根湯主之一云用後

太陽與陽明合病不下利但嘔者葛根加半夏湯主之方

葛根四兩 麻黃三兩 甘草二兩 芍藥二兩

桂枝二兩 生薑二兩 半夏半升

大棗十二枚

右八味以水一斗先煮葛根麻黃減二升去白沫內諸

藥煮取三升去滓溫服一升覆取微似汗

太陽病桂枝證醫反下之利遂不止脈促者表未解也喘

而汗出者葛根黃芩黃連湯主之方促一作縱

葛根半斤 甘草二兩 黃芩三兩 黃連三兩

右四味以水八升先煮葛根減二升內諸藥煮取二升

去滓分溫再服

太陽病頭痛發熱身疼腰痛骨節疼痛惡風無汗而喘者

麻黃湯主之方

麻黃三兩 桂枝二兩 甘草一兩 杏仁七十箇

杏仁七十箇 誤玉函千金翼作枚

右四味以水九升先煮麻黃減二升去上沫內諸藥煮

取二升半去滓溫服八合覆取微似汗不須啜粥餘如

桂枝法將息

脈浮而緊。浮則為風。緊則為寒。風則傷衛。寒則傷榮。榮衛俱病。骨節煩疼。可發其汗。宜麻黃湯。此條原脫。今據可汗篇及脈經千金翼。

補入

太陽與陽明合病。喘而胸滿者。不可下。宜麻黃湯。

太陽病十日以去。脈浮細而嗜臥者。外已解也。設胸滿脇

痛者。與小柴胡湯。脈但浮者。與麻黃湯。

太陽中風。脈浮緊。發熱惡寒。身疼痛。不汗出而煩躁者。大

青龍湯主之。若脈微弱。汗出惡風者。不可服之。服之則厥

逆。筋惕肉瞤。此為逆也。

大青龍湯方

麻黃六兩 去節

桂枝二兩 去皮

甘草二兩 炙

杏仁四十枚 去皮尖

生薑三兩 切

大棗十枚 擘 ○成本金匱玉函千金並作十二枚

石膏

如雞子大。碎。○玉函千金翼外臺碎下有綿裹二字。

右七味。以水九升。先煮麻黃減二升。去上沫。內諸藥。煮取三升。去滓。溫服一升。取微似汗。汗出多者。溫粉撲之。一服汗者。停後服。若復服汗多。亡陽遂逆。一作虛惡風煩躁不得眠也。

傷寒脉浮緩身不疼但重乍有輕時無少陰證者大青龍湯發之

傷寒表不解心下水氣乾嘔發熱而欬或渴或利或噎或小便不利少腹滿或喘者小青龍湯主之方

麻黃去節 芍藥 細辛 乾薑

甘草炙 桂枝各三兩 去皮 五味子半升 洗 半夏半升

右八味以水一斗先煮麻黃減二升去上沫內諸藥煮取三升去滓溫服一升若渴去半夏加栝樓根三兩若微利去麻黃加薤花如一雞子熬令赤色若噎者去麻

黃加附子一枚炮若小便不利少腹滿者去麻黃加茯苓四兩若喘去麻黃加杏仁半升去皮尖且薤花不治

利麻黃主喘今此語反之疑非仲景意臣億等謹按小

水又按本草薤花下十二水若水去利則止也又按千金形腫者應內麻黃乃內杏仁者以麻黃發其陽故也以此證之豈非仲景意也○成本無且薤花以下二十字錢氏以此方及小柴胡湯真武湯通脉四逆湯四逆散理中丸加減法為後人所加

傷寒心下水氣欬而微喘發熱不渴服湯已渴者此寒去欲解也小青龍湯主之

太陽病外證未解脉浮弱者當以汗解宜桂枝湯

太陽病下之微喘者表未解故也桂枝加厚朴杏子湯主之方

桂枝三兩 去皮

甘草二兩 炙

生薑三兩 切

芍藥三兩

大棗十二枚 擘

厚朴二兩 炙 去皮

杏仁五十枚 去皮尖

右七味以水七升微火煮取三升去滓溫服一升覆取微似汗

太陽病外證未解不可下也下之為逆欲解外者宜桂枝湯

太陽病先發汗不解而復下之脈浮者不愈浮為在外而

反下之故令不愈今脈浮故在外當須解外則愈宜桂枝湯

太陽病脈浮緊無汗發熱身疼痛八九日不解表證仍在此當發其汗服藥已微除其人發煩目瞑劇者必衄衄乃解所以然者陽氣重故也麻黃湯主之

太陽病脈浮緊發熱身無汗自衄者愈

二陽併病太陽初得病時發其汗汗先出不徹因轉屬陽明續自微汗出不惡寒若太陽病證不罷者不可下下之為逆如此可小發汗設面色緣緣正赤者陽氣怫鬱在表

○玉田在表。當解之。熏之。若發汗不徹。不足言陽氣怫鬱。作不得越。不得越。當汗不汗。其人躁煩。不知痛處。乍在腹中。乍在四肢。按之不可得。其人短氣。但坐。以汗出不徹故也。更發汗。則愈。何以知汗出不徹。以脈濇故知也。

脈浮數者。法當汗出而愈。若下之。身重心悸者。不可發汗。當自汗出乃解。所以然者。尺中脈微。此裏虛。須表裏實。津液自和。便自汗出愈。

脈浮緊者。法當身疼痛。宜以汗解之。假令尺中遲者。不可發汗。何以知然。以榮氣不足。血少故也。

脈浮者。病在表。可發汗。宜麻黃湯。法用桂枝湯。

脈浮而數者。可發汗。宜麻黃湯。

病常自汗出者。此為榮氣和。榮氣和者。外不諧。以衛氣不共榮氣諧和故爾。以榮行脈中。衛行脈外。復發其汗。榮衛和則愈。宜桂枝湯。

病人藏無他病。時發熱。自汗出而不愈者。此衛氣不和也。先其時發汗。則愈。宜桂枝湯。

傷寒脈浮緊。不發汗。因致衄者。麻黃湯主之。

傷寒不大。便六七日。頭痛有熱者。與承氣湯。○玉田作未可與承氣湯。

其小使清者。一云大知不在裏仍在表也。當須發汗。若頭

痛者必衄。宜麻黃湯。

傷寒發汗已解。半日許復煩。脈浮數者。可更發汗。宜桂枝湯。

凡病若發汗。若吐。若下。若亡血。亡津液。陰陽自和者。必自愈。

大下之後。復發汗。小使不利者。亡津液故也。勿治之。得小便利必自愈。

下之後復發汗。必振寒。脈微細。所以然者。以內外俱虛故

也。下之後其人又手自冒心。心下澀澀。此欲飲也。當復與之。其下之後。復發汗。晝日煩躁不得眠。夜而安靜。不嘔不渴。無

表證。脈沈微。身無大熱者。乾薑附子湯主之。方

乾薑一兩 附子一枚。生用。去皮。切八片。

右二味。以水三升。煮取一升。去滓。頓服。

發汗後。身疼痛。脈沈遲者。桂枝加芍藥生薑各一兩。人參三兩。新加湯主之。方

桂枝三兩。去皮。 芍藥四兩 甘草二兩。炙。 人參三兩

大棗十二枚。擘。 生薑四兩

右六味以水一斗二升煮取三升去滓溫服一升本云桂枝湯今加芍藥生薑人參

發汗後不可更行桂枝湯汗出而喘無大熱者可與麻黃

杏仁甘草石膏湯方

麻黃

四兩去節

杏仁

五十箇去皮尖

甘草

二兩炙

石膏

半斤碎綿裹

右四味以水七升煮麻黃減二升去上沫內諸藥煮取

二升去滓溫服一升本云黃耳杯○玉函無本云黃耳杯五字

發汗過多其人叉手自冒心心下悸欲得按者桂枝甘草

湯主之方

桂枝

四兩去皮

甘草

二兩炙

右二味以水三升煮取一升去滓頓服

發汗後其人臍下悸者欲作奔豚茯苓桂枝甘草大棗湯主之方

茯苓

半斤

桂枝

四兩去皮

甘草

二兩炙

大棗

十五枚擘

右四味以甘爛水一斗先煮茯苓減二升內諸藥煮取三升去滓溫服一升日三服

作甘爛水法取水二斗置大盆內以杓揚之水上有珠

子五六千顆相逐取用之。

發汗後腹脹滿者厚朴生薑半夏甘草人參湯主之方

厚朴半斤炙去皮

生薑半斤切

半夏半斤洗

甘草二兩○成本千金翼有炙字

人參一兩

右五味以水一斗煮取三升去滓溫服一升日三服

傷寒若吐若下後○玉函若下下有若發汗三字心下逆滿氣上衝胸起

則頭眩脈沈緊發汗則動經身為振振搖者茯苓桂枝白

朮甘草湯主之方○脈經無白字

茯苓四兩

桂枝三兩去皮

白朮

甘草各二兩炙

右四味以水六升煮取三升去滓分溫三服

發汗病不解反惡寒者虛故也芍藥甘草附子湯主之方

芍藥

甘草各三兩炙

附子一枚炮去皮破八片

右三味以水五升煮取一升五合去滓分溫三服疑非

仲景方○玉函千金翼無疑非仲景方五字

發汗若下之病仍不解煩躁者茯苓四逆湯主之方

茯苓四兩

人參一兩

附子一枚生用去皮破八片

甘草二兩炙

乾薑一兩半

右五味以水五升煮取三升去滓溫服七合日二服

發汗後惡寒者虛故也不惡寒但熱者實也當和胃氣與調胃承氣湯玉田云與小承氣湯

太陽病發汗後大汗出胃中乾煩躁不得眠欲得飲水者少少與飲之今胃氣和則愈若脈浮小便利微熱消渴

者五苓散主之方即猪苓散是

猪苓十八銖 澤瀉一兩六銖 白朮十八銖

茯苓十八銖 桂枝半兩

右五味搗為散以白飲和服方寸匕日三服多飲煖水汗出愈如法將息

發汗已脈浮數煩渴者五苓散主之

傷寒汗出而渴者五苓散主之不渴者茯苓甘草湯主之

方

茯苓二兩 桂枝二兩 甘草一兩 生薑三兩

右四味以水四升煮取二升去滓分溫三服

中風發熱六七日不解而煩有表裏證渴欲飲水水入則吐者名曰水逆五苓散主之

未持脈時病人手叉自冒心師因教試今效而不效者此必兩耳聾無聞也所以然者以重發汗虛故如此

發汗後飲水多必喘以水灌之亦喘

發汗後水藥不得入口為逆若更發汗必吐下不止

發汗吐下後虛煩不得眠若劇者必反覆顛倒音到心中

懊懣上烏浩下奴冬切下同梔子豉湯主之若少氣者梔子甘草豉

湯主之若嘔者梔子生薑豉湯主之

梔子豉湯方

梔子十四箇擘 香豉四合綿裹

右二味以水四升先煮梔子得二升半內豉煮取一升半去滓分為二服溫進一服得吐者止後服○案此及下四方得

吐者止後服六字宜刪張志聰云因瓜蒂散中有香豉而悞傳於此也是

梔子甘草豉湯方

梔子十四箇擘 甘草二兩炙 香豉四合綿裹

右三味以水四升先煮梔子甘草取二升半內豉煮取一升半去滓分二服溫進一服得吐者止後服

梔子生薑豉湯方

梔子十四箇擘 生薑五兩 香豉四合綿裹

右三味以水四升先煮梔子生薑取二升半內豉煮取一升半去滓分二服溫進一服得吐者止後服

發汗若下之而煩熱胸中窒者梔子豉湯主之

傷寒五六日大下之後身熱不去心中結痛者未欲解也

梔子豉湯主之

傷寒下後心煩腹滿臥起不安者梔子厚朴湯主之方

梔子十四箇

厚朴四兩炙

枳實四枚水浸

右三味以水三升半煮取一升半去滓分二服溫進一

服得吐者止後服

傷寒醫以丸藥大下之身熱不去微煩者梔子乾薑湯主之方

梔子十四箇

乾薑一兩○成本玉屑千金翼作二兩

右二味以水三升半煮取一升半去滓分二服溫進一

服得吐者止後服

凡用梔子湯病人舊微溇者不可與服之

太陽病發汗汗出不解其人仍發熱心下悸頭眩身瞤動

振振欲擗一作地者真武湯主之

咽喉乾燥者不可發汗

淋家不可發汗發汗必便血

瘡家雖身疼痛不可發汗汗出則痊○玉函瘡作痊

衄家不可發汗。汗出必額上陷。脉急緊。直視不能眴。音喚。又胡

絹切。下同。不得眠。一作瞬。

亡血家不可發汗。發汗則寒慄而振。

汗家重發汗。必恍惚心亂。小便利。已陰痿。與禹餘糧丸。方本

病人有寒。復發汗。胃中冷。必吐蚘。一作逆。

本發汗。而復下之。此為逆也。若先發汗。治不為逆。本先下

之。而反汗之。為逆。若先下之。治不為逆。

傷寒醫下之。續得下利。清穀不止。身疼痛者。急當救裏。後

身疼痛。清便自調者。急當救表。救裏宜四逆湯。救表宜桂

枝湯

病發熱頭痛。脉反沈。若不差。身體疼痛。當救其裏。宜四逆湯。

太陽病。先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。裏未和。然後復下之。

太陽病未解。脉陰陽俱停。一作微。必先振慄。汗出而解。但陽

脉微者。先汗出而解。但陰脉微。一作尺。者。下之而解。若欲

下之。宜調胃承氣湯。一云用大柴胡湯。

太陽病發熱汗出者此為榮弱衛強故使汗出欲救邪風者宜桂枝湯

傷寒五六日中風往來寒熱胸脇苦滿嘿嘿不欲飲食心煩喜嘔或胸中煩而不嘔或渴或腹中痛或脇下痞鞕或心下悸小便不利或不渴身有微熱或欬者小柴胡湯主之方

柴胡半斤

黃芩三兩

人參三兩

半夏半升

甘草炙

生薑各三兩切

大棗十二枚擘

右七味以水一斗二升煮取六升去滓再煎取三升溫

服一升日三服若胸中煩而不嘔者去半夏人參加栝樓實一枚若渴去半夏加人參合前成四兩半栝樓根四兩若腹中痛者去黃芩加芍藥三兩若脇下痞鞕去大棗加牡蠣四兩若心下悸小便不利者去黃芩加茯苓四兩若不渴外有微熱者去人參加桂枝三兩溫覆微汗愈若欬者去人參大棗生薑加五味子半升乾薑二兩

血弱氣盡腠理開邪氣因入與正氣相搏結於脇下正邪分爭往來寒熱休作有時嘿嘿不欲飲食藏府相連其痛

必下邪高痛下故使嘔也。一云藏府相違其病必下脇鬲中痛小柴胡湯主之。

服柴胡湯已渴者屬陽明以法治之。

得病六七日脉遲浮弱惡風寒手足溫醫二三下之不能

食而脇下滿痛面目及身黃頸項強小僂黃者。○玉田脉經千金翼

成本作小僂難與柴胡湯後必下重本渴飲水而嘔者柴胡湯不

中與也食穀者噦。

傷寒四五日身熱惡風頸項強脇下滿手足溫而渴者小

柴胡湯主之。

傷寒陽脉濇陰脉弦法當腹中急痛先與小建中湯不差者小柴胡湯主之。

小建中湯方

桂枝三兩 去皮 甘草二兩 炙 大棗十二枚 擘 芍藥六兩

生薑三兩 切 膠飴一升

右六味以水七升煮取三升去滓內飴更上微火消解溫服一升日三服嘔家不可用建中湯以甜故也。

傷寒中風有柴胡證但見一證僂是不必悉具。

凡柴胡湯病證而下之若柴胡證不罷者復與柴胡湯必

蒸蒸而振却復發熱汗出而解

傷寒二三日心中悸而煩者小建中湯主之

太陽病過經十餘日反二三下之後四五日柴胡證仍在

者先與小柴胡嘔不止心下急一云嘔止小安鬱鬱微煩者為未

解也與大柴胡湯下之則愈方

柴胡半斤

黃芩三兩

芍藥三兩

半夏半升洗

生薑

五兩切○玉百作三兩

枳實四枚炙

大棗十二枚擘

右七味以水一斗二升煮取六升去滓再煎○玉百外臺有取三

升三溫服一升日三服一方加大黃二兩若不加恐不

為大柴胡湯

傷寒十三日不解胸脇滿而嘔日晡所發潮熱已而微利

此本柴胡證下之以○成本作而不得利今反利者知醫以丸

藥下之此非其治也潮熱者實也先宜服小柴胡湯以解

外後以柴胡加芒消湯主之方

柴胡二兩十銖

黃芩一兩

人參一兩

甘草一兩炙

生薑一兩切

半夏二十銖本云五枚洗

大棗四兩擘

芒消二兩

右八味以水四升煮取二升去滓內芒消更煮微沸分

溫再服不解更作。

臣億等謹案金匱玉函方中無芒消別一方云以水七升下芒消二合大

黃四兩桑螵蛸五枚煮取一升半服五合微下即愈本云柴胡再服以解其外餘二升加芒消大黃桑螵蛸也

傷寒十三日過經譫語者以有熱也當以湯下之若小僂

利者大僂當鞭而反下利脉調和者知醫以丸藥下之非

其治也若自下利者脉當微厥今反和者此為內實也調

胃承氣湯主之。

太陽病不解熱結膀胱其人如狂血自下下者愈其外不

解者尚未可攻當先解其外外解已但少腹急結者乃可

攻之宜桃核承氣湯方

後云解外宜桂枝湯

桃仁

五十箇去皮尖

大黃

四兩

桂枝

二兩去皮

甘草

二兩炙

芒消

二兩

右五味以水七升煮取二升半去滓內芒消更上火微沸下火先食溫服五合日三服當微利。

傷寒八九日下之胸滿煩驚小僂不利譫語一身盡重不

可轉側者柴胡加龍骨牡蠣湯主之方

柴胡

四兩

龍骨

黃芩

生薑

切

鉛丹

人參

桂枝

去皮

茯苓

各一兩半

半夏

二合半洗

大黃

二兩

牡蠣

一兩半熬

大棗

六枚擘

右十二味以水八升煮取四升內大黃切如碁子更煮一兩沸去滓溫服一升本云柴胡湯今加龍骨等

傷寒腹滿譫語寸口脉浮而緊此肝乘脾也名曰縱刺期門

傷寒發熱嗇嗇惡寒大渴欲飲水其腹必滿自汗出小便利其病欲解此肝乘肺也名曰橫刺期門

太陽病二日反躁凡熨其背而大汗出大熱入胃一作二日內燒

瓦熨背大汗出火氣入胃胃中水竭躁煩必發譫語十餘日振慄自下利者○玉函脉經作十餘日振而反汗出者此為欲解也故○玉函無故字其汗從

腰以下不得汗欲小便不得反嘔欲失溲足下惡風大便鞕小便當數而反不數及不多大便已頭卓然而痛其人足心必熱穀氣下流故也

太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰虛小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治

傷寒脉浮醫以火迫劫之亡陽必驚狂臥起不安者桂枝

去芍藥加蜀漆牡蠣龍骨救逆湯主之方

桂枝三兩
去皮

甘草二兩
炙

生薑三兩
切

大棗十二
枚擘

牡蠣五兩
熬

蜀漆三兩
洗
去腥

龍骨四兩

右七味以水一斗二升先煮蜀漆減二升內諸藥煮取三升去滓溫服一升本云桂枝湯今去芍藥加蜀漆牡蠣龍骨

形作傷寒其脈不弦緊而弱弱者必渴被火必譫語弱者發熱脈浮解之當汗出愈

太陽病以火熏之不得汗其人必躁到經不解必清血名

為火邪

脈浮熱甚而反灸之此為實實以虛治因火而動必咽燥吐血

微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

脈浮宜以汗解用火灸之邪無從出因火而盛病從腰以下必重而痺名火逆也欲自解者必當先煩煩乃有汗而解何以知之脈浮故知汗出解

燒針令其汗針處被寒核起而赤者必發奔豚氣從少腹

上衝心者。灸其核上各一壯。與桂枝加桂湯。更加桂二兩也。方

桂枝五兩
去皮

芍藥三兩

生薑三兩
切

甘草二兩
炙

大棗十二
枚
擘

右五味以水七升。煮取三升。去滓。溫服一升。本云桂枝湯。今加桂滿五兩。所以加桂者。以能泄奔豚氣也。

火逆下之。因燒針煩躁者。桂枝甘草龍骨牡蠣湯主之。方

桂枝一兩
去皮

甘草二兩
炙

牡蠣二兩
熬

龍骨二兩

右四味以水五升。煮取二升半。去滓。溫服八合。日三服。

太陽傷寒者。加溫針。必驚也。

太陽病當惡寒發熱。今自汗出。反不惡寒發熱。關上脈細

數者。以醫吐之過也。○玉函
過作故。一二日吐之者。腹中飢口不

能食。三四日吐之者。不喜糜粥。欲食冷食。朝食暮吐。以醫

吐之所致也。此為小逆。

太陽病吐之。但太陽病當惡寒。今反不惡寒。不欲近衣。此

為吐之內煩也。

病人脈數。數為熱。當消穀引食。而反吐者。此以發汗。令陽

氣微。膈氣虛。脈乃數也。數為客熱。不能消穀。以胃中虛冷。

故吐也。

太陽病過經十餘日。心下溫溫欲吐。而胸中痛。大便反澹。腹微滿。鬱鬱微煩。先此時自極吐下者。與調胃承氣湯。若不爾者。不可與。但欲嘔。胸中痛。微澹者。此非柴胡湯證。以嘔故知極吐下也。

太陽病六七日。表證仍在。脈微而沈。反不結胸。其人發狂者。以熱在下焦。少腹當鞵滿。小便不利者。下血乃愈。所以然者。以太陽隨經。瘀熱在裏故也。抵當湯主之。方

水蛭 熬

蠪蟲

各三十箇
去翅足熬

桃仁

二十箇
去皮尖

大黃

三兩
酒洗

右四味。以水五升。煮取三升。去滓。溫服一升。不下。更服。太陽病身黃。脈沈結。少腹鞵。小便不利者。為無血也。小便自利。其人如狂者。血證諦也。抵當湯主之。傷寒有熱。少腹滿。應小便不利。今反利者。為有血也。當下之。不可餘藥。宜抵當丸。方

水蛭

二十箇
筒熬

蠪蟲

二十箇
去翅足熬

桃仁

二十五箇
去皮尖

大黃

右四味。搗分四丸。

○千金作右四味為末。蜜和。合分為四丸。

以水一升。煮一

丸取七合服之。晬時當下血。若不下者。更服。

太陽病小便利者。以飲水多。必心下悸。小便少者。必苦裏急也。

傷寒論卷第三

傷寒論卷第四

辨太陽病脈證并治下第七

合三十九法。方三十首。并見太陽少陽合病法。

問曰。病有結胸。有藏結。其狀何如。答曰。按之痛。寸脈浮。關脈沈。名曰結胸也。何謂藏結。答曰。如結胸狀。飲食如故。時時下利。寸脈浮。關脈小細沈緊。名曰藏結。舌上白胎滑者。難治。

藏結無陽證。不往來寒熱。一云寒而不熱。○脈經同。其人反靜。舌上胎滑者。不可攻也。

病發於陽。而反下之。熱入。因作結胸。病發於陰。而反下之。

一作汗出因作痞也。所以成結胸者，以下之太早故也。

結胸者，項亦強，如柔痙狀。○玉函脈經痙作痙下之則和，宜大陷胸

丸方

大黃

半斤

葶藶子

半升

芒消

半升

杏仁

半升，去皮尖，熬黑。

右四味，搗篩二味，內杏仁、芒消，合研如脂，和散，取如彈

丸一枚，別搗甘遂末一錢匕，白蜜二合，水二升，煮取一

升，溫頓服之，一宿乃下。如不下，更服，取下為效。禁如藥

法。

結胸證，其脈浮大者，不可下，下之則死。

結胸證，悉具，煩躁者亦死。

太陽病，脈浮而動數，浮則為風，數則為熱，動則為痛，數則

為虛。○此二句疑衍。頭痛發熱，微盜汗出，而反惡寒者，表未解也。

醫反下之，動數變遲，膈內拒痛。一云：頭眩。胃中空虛，客氣動

膈，短氣躁煩，心中懊懣，陽氣內陷，心下因鞕，則為結胸。大

陷胸湯主之。若不結胸，但頭汗出，餘處無汗，劑頸而還，小

便利，身必發黃。

大陷胸湯方

大黃六兩去皮○千金及翼無去皮二字 芒消 一升

甘遂一錢七○千金及翼外臺一上有末字

右三味以水六升先煮大黃取二升去滓內芒消煮一兩沸內甘遂末溫服一升得快利止後服

傷寒六七日結胸熱實脉沈而緊○玉函作其脉浮緊心下痛按之石鞮者大陷胸湯主之

傷寒十餘日熱結在裏復往來寒熱者與大柴胡湯但結胸無大熱者此為水結在胸脇也但頭微汗出者大陷胸湯主之

太陽病重發汗而復下之不大便五六日舌上燥而渴日晡所小有潮熱一云日晡所發心胸大煩從心下至少腹鞭滿而痛不可近者大陷胸湯主之

小結胸病正在心下按之則痛脉浮滑者小陷胸湯主之

黃連一兩○玉函作二兩 半夏半升洗 栝樓實大者一枚

右三味以水六升先煮栝樓取三升去滓內諸藥煮取二升去滓分溫三服

太陽病二三日不能臥但欲起心下必結脉微弱者此本

有寒分也。○外臺寒分作久寒。反下之。若利止必作結胸。神巧萬全方分作故。未止者。四日復下之。此作協熱利也。

太陽病下之。其脈促。縱一作不結胸者。此為欲解也。脈浮者。

必結胸。脈緊者必咽痛。脈弦者必兩脇拘急。脈細數者頭

痛未止。脈沈緊者必欲嘔。脈沈滑者協熱利。脈浮滑者必

下血。

病在陽。應以汗解之。反以冷水澀之。若灌之。其熱被劫不

得去。彌更益煩。肉上粟起。意欲得水。反不渴者。服文蛤散。

若不差者。與五苓散。○此條舊與小陷胸白散合為一條。今從張氏周氏柯氏及金鑑。

文蛤散方

文蛤 五兩

右一味為散。以沸湯和。一方寸匕服。湯用五合。

寒實結胸。無熱證者。與三物小陷胸湯。白散亦可服。一云與三

物小白散。○金鑑曰。三物小陷胸湯。當是二物白散。亦可服三字。亦衍文也。

白散方

桔梗 三分

巴豆 一分去皮心。熬黑。研如脂。

貝母 三分

右三味為散。內巴豆。更於臼中杵之。以白飲和服。強人

半錢匕。羸者減之。病在膈上必吐。在膈下必利。不利進

熱粥一杯利過不止進冷粥一杯身熱皮粟不解欲引衣自覆若以水澀之洗之益令熱劫不得出當汗而不汗則煩假令汗出已腹中痛與芍藥三兩如上法○身熱皮

粟以下四十九字玉函外臺並無錢本柯本亦刪之是

太陽與少陽併病頭項強痛或眩冒時如結胸心下痞鞭者當刺大椎第一間肺俞肝俞慎不可發汗發汗則讖語脉弦五日○成本玉函五下有六字讖語不止當刺期門

婦人中風發熱惡寒經水適來得之七八日熱除而脉遲身涼胸脇下滿如結胸狀讖語者此為熱入血室也當刺

期門隨其實而取之

婦人中風七八日續得寒熱發作有時經水適斷者此為熱入血室其血必結故使如瘧狀發作有時小柴胡湯主之

婦人傷寒發熱經水適來晝日明了暮則讖語如見鬼狀者此為熱入血室無犯胃氣及上二焦○脉經注云二字疑必自愈傷寒六七日發熱微惡寒支節煩疼微嘔心下支結外證未去者柴胡桂枝湯主之方

桂枝去皮○成本玉函一兩半

黃芩一兩半

人參一兩半

甘草一兩

半夏二合

芍藥一兩

大棗六枚

生薑一兩

柴胡四兩

右九味以水七升煮取三升去滓溫服一升本云人參

湯作如桂枝法加半夏柴胡黃芩復如柴胡法今用人

參作半劑○成本玉函無本云二十九字

傷寒五六日已發汗而復下之胸脇滿微結小便利渴

而不嘔但頭汗出往來寒熱心煩者此為未解也柴胡桂

枝乾薑湯主之

柴胡半斤

桂枝三兩

乾薑三兩

栝樓根四兩

黃芩三兩

牡蠣二兩

甘草二兩

右七味以水一斗二升煮取六升去滓再煎取三升溫

服一升日三服初服微煩復服汗出便愈

傷寒五六日頭汗出微惡寒手足冷心下滿口不能食大

便鞭脈細者此為陽微結必有表復有裏也脈沈亦在裏

也汗出為陽微假令純陰結不得復有外證悉入在裏此

為半在裏半在外也脈雖沈緊不得為少陰病所以然者

陰不得有汗今頭汗出故知非少陰也可與小柴胡湯設

不了了者得尿而解

傷寒五六日。嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不為逆。必蒸蒸而振。却發熱汗出而解。若心下滿而鞭痛者。此為結胸也。大陷胸湯主之。但滿而不痛者。此為痞。柴胡不中與之。宜半夏瀉心湯方。

半夏洗半升 黃芩 乾薑 人參

甘草炙各三兩 黃連一兩 大棗十二枚擘

右七味以水一斗。煮取六升。去滓再煎。取三升。溫服一升。日三服。須大陷胸湯者。方用前第二法。一方用半夏一升。

太陽少陽併病。而反下之。成結胸。心下鞭。下利不止。水漿不下。其人心煩。

脈浮而緊。而復下之。緊反入裏。則作痞。按之自濡。但氣痞耳。

太陽中風。下利嘔逆。表解者。乃可攻之。其人熱熱汗出發作有時。頭痛。心下痞鞭滿。引脇下痛。乾嘔短氣。汗出不惡寒者。此表解裏未和也。十棗湯主之。方

芫花熬 甘遂 大戟

右三味等分。各別擣為散。以水一升半。先煮大棗肥者

十枚取八合去滓內藥末強人服一錢匕羸人服半錢
溫服之平旦服若下少病不除者明日更服加半錢得
快下利後糜粥自養

太陽病醫發汗遂發熱惡寒因復下之心下痞表裏俱虛
陰陽氣並竭無陽則陰獨復加燒鍼因胸煩面色青黃膚
潤者難治今色微黃手足溫者易愈

心下痞按之濡其脈關上浮者大黃黃連瀉心湯主之方

大黃二兩 黃連一兩

右二味以麻沸湯二升漬之須臾絞去滓分溫再服億臣

等看詳大黃黃連瀉心湯諸本皆二味又後附子瀉心
湯用大黃黃連黃芩附子恐是前方中亦有黃芩後但
加附子也故後云附子
瀉心湯本云加附子也

心下痞而復惡寒汗出者附子瀉心湯主之方

大黃二兩 黃連一兩 黃芩一兩

附子二枚炮去皮
破別煮取汁

右四味切三味以麻沸湯二升漬之須臾絞去滓內附
子汁分溫再服

本以下之故心下痞與瀉心湯痞不解其人渴而口燥煩
小便利者五苓散主之一方云忍之一日乃愈

傷寒汗出解之後胃中不和心下痞鞅乾噫食臭脇下有
水氣腹中雷鳴下利者生薑瀉心湯主之方

生薑四兩切 甘草三兩炙 人參三兩 乾薑一兩

黃芩三兩 半夏半升洗 黃連一兩 大棗十二枚擘

右八味以水一斗煮取六升去滓再煎取三升溫服一

升日三服附子瀉心湯本云加附子半夏瀉心湯甘草

瀉心湯同體別名耳生薑瀉心湯本云理中人參黃芩

湯去桂枝朮加黃連并瀉肝法○附子瀉心湯以下成本玉函無

傷寒中風醫反下之其人下利日數十行穀不化腹中雷

鳴心下痞鞅而滿乾嘔心煩不得安醫見心下痞謂病不
盡復下之其痞益甚此非結熱但以胃中虛客氣上逆故
使鞅也甘草瀉心湯主之方

甘草四兩炙 黃芩三兩 乾薑三兩 半夏半升洗

大棗十二枚擘 黃連一兩

右六味以水一斗煮取六升去滓再煎取三升溫服一

升日三服臣億等謹案上生薑瀉心湯法本云理中人參黃芩湯今詳瀉心以療痞痞氣因發陰而生是半夏生薑甘草瀉心三方皆本於理中也其方必

各有入參今甘草瀉心中無者脫落之也又案千金并外臺秘要治傷寒惡食用此方皆有人參知脫落無疑

傷寒服湯藥下利不止心下痞鞅服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復不止者當利其小便

赤石脂禹餘糧湯方

赤石脂一斤碎 太一餘糧一斤碎

右二味以水六升煮取二升去滓分溫三服○本草圖經引作分

再服

傷寒吐下後發汗虛煩脈甚微八九日心下痞鞅脇下痛氣上衝咽喉眩冒經脈動惕者久而成痿

傷寒發汗若吐若下解後心下痞鞅噫氣不除者旋復代赭湯主之方

旋復花三兩 人參二兩 生薑五兩 代赭一兩

甘草三兩炙 半夏半升洗 大棗十二枚擘

右七味以水一斗煮取六升去滓再煎取三升溫服一升日三服

下後不可更行桂枝湯若汗出而喘無大熱者可與麻黃杏子甘草石膏湯

太陽病外證未除而數下之遂協熱而利利下不止心下

痞鞭表裏不解者桂枝人參湯主之方

桂枝

四兩別切○成本玉白別切作去皮

甘草

四兩炙

白朮

三兩

人參

三兩

乾薑

三兩

右五味以水九升先煮四味取五升內桂更煮取三升去滓溫服一升日再夜一服

傷寒大下後復發汗心下痞惡寒者表未解也不可攻痞當先解表表解乃可攻痞解表宜桂枝湯攻痞宜大黃黃連瀉心湯

傷寒發熱汗出不解心中

○玉白作心下

痞鞭嘔吐而下利者大

柴胡湯主之

病如桂枝證頭不痛項不强寸脉微浮胸中痞鞭氣上衝喉咽不得息者此為胸有寒也當吐之宜瓜蒂散方

瓜蒂

一分熬黃

赤小豆

一分

右二味各別擣篩為散已合治之取一錢匕以香豉一合用熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與瓜蒂散病脇下素有痞連在臍傍痛引少腹入陰筋者此名藏結死

傷寒若吐若下後七八日不解熱結在裏表裏俱熱時時惡風大渴舌上乾燥而煩欲飲水數升者白虎加人參湯主之方

知母 六兩

石膏 一斤

甘草 二兩

人參

二兩○上篇作三兩

粳米 六合

右五味以水一斗煮米熟湯成去滓溫服一升日三服此方立夏後立秋前乃可服立秋後不可服正月二月三月尚凜冷亦不可與服之與之則嘔利而腹痛諸亡血虛家亦不可與得之則腹痛利者但可溫之當愈外○

臺作右五味切以水一斗二升煮米熟去米內諸藥煮取六升去滓溫服一升日三又此方原本已見太陽上篇而無此方立夏以下六十二字疑是後人所添而玉函千金及翼方外臺秘要并有之故不妄刪姑存其舊
傷寒無大熱口燥渴心煩背微惡寒者白虎加人參湯主之

傷寒脈浮發熱無汗其表不解不可與白虎湯渴欲飲水無表證者白虎加人參湯主之

太陽少陽併病心下鞕頸項強而眩者當刺大椎肺俞肝俞慎勿下之

太陽與少陽合病自下利者與黃芩湯若嘔者黃芩加半

夏生薑湯主之

黃芩湯方

黃芩 三兩

芍藥 二兩

甘草 二兩

大棗 十二枚

右四味以水一斗煮取三升去滓溫服一升日再夜一

服

黃芩加半夏生薑湯方

黃芩 三兩

芍藥 二兩

甘草 二兩

大棗 十二枚

半夏 半升

生薑 一兩半

右六味以水一斗煮取三升去滓溫服一升日再夜一

服

傷寒胸中有熱胃中有邪氣腹中痛欲嘔吐者黃連湯主之方

黃連 三兩

甘草 三兩

乾薑 三兩

桂枝 三兩

人參 二兩

半夏 半升

大棗 十二枚

右七味以水一斗煮取六升去滓溫服晝三夜二疑非

仲景方○玉函成本無疑非仲景方五字

傷寒八九日風溼相搏身體疼煩不能自轉側不嘔不渴脉浮虛而濇者桂枝附子湯主之若其人大便下云臍下

鞞小僂自利者去桂加白朮湯主之。○玉田脉經千金翼去桂加白朮湯作朮

湯附子

桂枝附子湯方

桂枝四兩去皮 附子三枚炮去皮破 生薑三兩切

大棗十二枚擘 甘草二兩炙

右五味以水六升煮取二升去滓分溫三服

去桂加白朮湯方

附子三枚炮去皮破 白朮四兩 生薑三兩切

甘草二兩炙 大棗十二枚擘

右五味以水六升煮取二升去滓分溫三服初一服其人身如痺半日許復服之三服都盡其人如冒狀勿怪此以附子朮併走皮內逐水氣未得除故使之耳法當加桂四兩此本一方二法以大僂鞞小僂自利去桂也以大僂不鞞小僂不利當加桂附子三枚恐多也虛弱家及產婦宜減服之。○金匱無使之二字及法以下五十二字宜從風溼相搏骨節疼痛掣痛不得屈伸近之則痛劇汗出短氣小僂不利惡風不欲去衣或身微腫者甘草附子湯主之方

甘草二兩

附子二枚炮

白朮二兩○玉

桂枝四兩

右四味以水六升煮取三升去滓溫服一升日三服初

服得微汗則解能食汗止復煩者將服五合恐一升多

者宜服六七合為始○金匱成本始作妙

傷寒脉浮滑此以表有熱裏有寒白虎湯主之方

知母六兩

石膏一斤

甘草二兩

粳米六合

右四味以水一斗煮米熟湯成去滓溫服一升日三服

臣億等謹案前篇云熱結在裏表裏俱熱者白虎湯主之又云其表不解不可與白虎湯此云脉浮滑表有熱

裏有寒者必表裏字差矣又陽明一證云脉浮遲表熱裏寒四逆湯主之又少陰一證云裏寒外熱通脉四逆湯主之以此表裏自差明矣千金翼云白通湯非也○外臺作以水一斗二升煮取米熟去米內藥煮取六升去滓分六服

傷寒脉結代心動悸炙甘草湯主之

甘草四兩

生薑三兩

人參二兩

生地黃一斤

桂枝三兩

阿膠二兩

麥門冬半升

麻仁半升

大棗三十枚擘○成本玉函作十二枚

右九味以清酒七升水八升先煮八味取三升去滓內膠烱消盡溫服一升日三服一名復脉湯

脈按之來緩時一止復來者名曰結。又脈來動而中止。復來小數中有還者。反動名曰結陰也。脈來動而中止。不能自還。因而復動者。名曰代陰也。得此脈者。必難治。○玉魚無此條

傷寒論卷第四

